



四照堂詩集卷五

粵東古今體詩五十首

春日粵秀山懷古二首

莽雨驚風散越臺暮天斜日破林開山光青送水流去  
海氣白浮雲影來一代歡場如舊夢千秋浩劫有殘灰  
故宮花事飄零盡忍聽高岡杜宇哀

五層樓迥逼天開千古憑闌海色迴歌舞已空南漢苑  
江關猶賸楚雲臺共憐辨士囊金去誰見降王執挺來  
五管無端縱戎馬登臨有客重徘徊

四照堂詩集

卷五

粵東

一

光孝寺

仲翔遺迹掃莓苔佛海靈光做法臺鐵堦輪囷空漢苑  
菩提花葉現如來訶林過雨香浮座榕蔭排雲綠作堆  
閒數寸莛鐘百八月明流影散塵埃

送艾至堂師歸廬山

渺渺珠江波悠悠離客情日暮牽衣不忍別淚痕零亂  
征衫青廬山崔嵬自孤立宦海抽簪誰遞入金紫班行  
有底忙名區高蹈無人襲古來達士能知機側身天地  
多傷悲寸心老去懷救世經濟奈與時相違種花縱作  
河陽宰殺賊未擁翁孫磨富貴一浮雲才名在千古英

國朝詩集  
卷五  
光孝寺  
四照堂詩集

天  
湖潭譚溥仲  
春



雄奇氣原堪吐底用經天緯地一展平生磊落之心胸  
涵養舊擅神爐功九轉靈丹伏芝草

謂采芝圖

百鍊古鐵藏

柔鋒升堂我愧才華薄九尺曹交身事惡五陵裘馬讓  
同倫六代鶯花歎零落師恩圖報尙遲遲髣髴髮蕭疎半  
成鶴安得乘青鸞騎赤虬從公遠到廬山頭問奇日載  
元亭酒負笈遠侍名山遊此日長短亭邊一痛飲那能  
淨洗萬斛生離憂空外誰家吹折柳笛聲嗚咽江濤吼  
片帆西下斜陽明海色蒼茫照山斗

懷芷生炳生兩弟

越岡西望渺煙螺三載歸心觸雁過貧裏弟兄歡會少

四照堂詩集

卷五

粵東

二

天涯風雨客愁多湘山冉冉飛殘夢珠海茫茫照夕波  
漫把黃花問秋色脊令原上近如何

早發

煙重水痕落糗糊開短篷僧鐘破魚夢山月欹林楓古  
驛數家市孤帆千里風鄉書愁未得搔首問征鴻

寄懷鄧仲權

三亭握別動千里兩屐投荒今四年客夢豈甘拋梓社  
畫圖相憶隔雲天

謂題夢岳圖

兵塵湘上悲殘劫花雨城南

掃勝緣何日長沙畱韻事與君旗鼓鬪吟牋

張月槎索題雙溪老屋圖

車壁船窗合有涯誰云張儉老無家百年素業雙溪在  
十丈紅棉古屋斜貧裹著書深閉戶閒來悟道偶拈花  
君奉佛 天南愧我空浮宅惆悵圭峰畫裏霞

五日張南山師招飲珠江舟中風雨作歌

縱飲不掉珠娘舟酒波零亂無人收豪吟不泛珍珠海  
詩靈黯淡無奇彩有酒有詩堪放懷及時不樂胡爲哉  
何況漆髮經霜影將半天涯勝會茲追陪萬斛奇懷信  
堪吐一剎涼風飄快雨酒光細颯羅衫輕詩興遄飛神  
色舞馮夷擊鼓羣龍飛水晶宮裏翻瓊璣碧雲壓空怒  
濤立金電掣影雷斧揮我狂大叫不肯住移船直向扶  
四照堂詩集 卷五 粵東 三二  
胥去老老大心情一往雄寶刀欲斫鯨鯢官蜃眼窺波射  
人碧鼉顛噴浪連天紅十載妖氛掃難盡毒蝮尙照靈  
鼈東男兒策勳在濟世酒甕詩瓢奚足計此身抗代亦  
奇緣要爲蒼生洗災厲艾虎蒲人何太狂午時天下徒  
聞香楚騷弔屈情原熱越蠡麈兵計總良吾師老與更  
豪特拔劍當風橫作色斬蛟周處誇神鋒驅鱷昌黎擅  
奇策蒼天生才自有用楚吳舊樹經綸績卽論詩虎與  
酒龍尙是登場萬人敵

五日大風雨同張南山遊海珠寺

拔地巋然鎮海圓靈光掩映萬波懸一天莽雨飛龍上



九曲蠻雲試蟻穿臺迴思看故鄉月

時登得月臺

夢奇恍犯

朱陵煙

謂夢岳圖

客懷此日偏難遣漫把蒲觴縱酒顛

五日同張南山雨中登謝靜山得珠樓

漫空顛雨犯良遊風急花光損石榴海氣一簾如中酒  
江城五月忽驚秋瓊樓得地青山笑塵世關懷白眼愁  
絃管謝家清切地東山無復古風流

同梁福草比部遊六榕寺

尙有六榕字千秋樹已灰

六榕二字東坡書

眉山一詩老北宋

幾人才落日動疎磬秋陰生碧苔僧鄒能愛客爲掃白  
雲堆

四照堂詩集

卷五

粵東

四

吳虞吉招遊海山仙館

園林兩度證清遊雪閣崔嵬出樹頭

新建雪閣

瓊館翠分隄

柳色江雲紅照水亭秋東坡笠屐前塵在南漢河山短  
夢收此日停杯問遺事海天搔首動閒愁

五月十一日爲文信國公生辰同張南山喻少白

許雋卿舒錦庭李子虎張月槎僧涉川設祀三大

忠祠

千古綱常仰拄撐長歌正氣日星垂丹心肯爲燕囚冷  
熱淚難銷粵海悲南宋河山變陵谷西江忠義動華夷  
弧辰設祀同叅謁祠宇靈風展大旗

同舒錦庭過就樹軒小飲

偶艤禪關萬斛船  
海濤吹雨散吟邊  
疎林月淡流清磬  
古蔭風涼洗綠天  
酒氣隔簾驚鶴夢  
詩靈飛影下雲仙  
我來閒試跏趺座  
小結如來現在緣

四十四初度感懷

一年離別一年多  
又報荆枝委逝波

渭南兄  
下世

底事琴尊

拋樂土  
莽風顛  
雨在關河

畫梅寄梁福草

海國縱橫品獨奇  
古香澹蕩接襟期  
燈前一夜相思夢  
飛上梅梢鶴未知

四照堂詩集

卷五

粵東

五

許雋卿招同楊榭巢馮少衡家眉仙雨中飲酒

酒波搖影動詩情  
一剎靈颺過雨聲  
文字談心真氣足  
湖山攜手客懷清  
武林琴劍多高士  
粵海壺觴幾盛名  
笑我隨身有圖畫  
天涯沈醉夢南衡

喻少白招同張南山暨諸同人小飲兼以送別

名花誰采並頭蓮  
翠袖多情一笑牽  
座上醉狂人似蝶  
樽前吟苦客如蟬  
舊新聯雨奇懷熱  
憂樂關心老髻顛  
謂南千里荆榛重奔走  
雷陽曾繫去思緣

酬陳孟卿惠畫山水

青山逾瘦影逾高  
老屋三間隔板橋  
夢裏詩成秋在樹



天邊人去月隨潮

孟卿將有薊門之行

澄懷似水涵冲淡靈穎如

雲勢動搖見說長康有高弟更從名下想風標

謂佟樹軒公子

五月廿九日何虎臣賡臣昆仲招同張南山師雪

### 閣小飲

傑閣俯晴川登臨思皓然撐空疑積雪扶影欲摩天未

信太古少且欣高卧便倚闌重看月杯酒約秋圓

南山師約

中秋夜重來看月

### 同張南山遊畊霞別墅

金碧照霞紅昌華舊址空但餘畊者笑無復霸圖雄海

氣白浮郭樹光青壓篷亭臺今好在悵望夕陽中

謂其尊人

四照堂詩集

卷五

粵東

六

蔗田司馬下世

六月初四日陳樸卿招同李湘賓傅雲巖徐錦臺

### 並其弟石儔小飲唐荔園

海雨壓花來園深眾綠堆高吟聲震瓦豪飲氣轟雷勝

事紀香夢故宮埋碧苔笑拈三百題狂試啖雲才

### 六月十六日偕同人重飲唐荔

為啖唐園荔扁舟此又來煙花餘破夢歌舞亦奇才勝

會前期在昌華古苑隲詩情應未減紅宴輒雲堆

### 陳孟卿招集同人小飲空綠山房

海雨下孤桐禪關古綠空酒飛名士影詩逼劍光雄佛

意動微笑祇林生晚風白蓮吟社散扶醉倚巴童

楊鶴巢許雋卿馮少蘅呂韶甫雨中飲山響樓時  
韶甫有欽州之行繪珠江送別圖索題次韻

山城向夕雨冥冥樓迥風來隔樹聽海氣暗沈山影碧  
酒波涼映竹光青琴尊逸事緣非淺山水多情屐屢停  
此去珠江贖圖畫續題偏我愧湘靈

感懷

菜傭甌僮溷勾畱擬乞閒身狎野鷗齒長劇憐燕市馬  
腳忙猶笑磨場牛炎州千里三年客夜雨孤燈六月秋  
何事行騰捲雲去虎門重作看山遊

四照堂詩集

卷五

粵東

七

旅夜

經魚粥鼓此僧樓小住晨昏入聽幽花裏有琴堪對月  
水邊無笛不成秋心孤五管時聞盜遊慣三城又買舟  
將之縱飲酣吟緣底事湖湘歸計總難謀

虎門提軍署同張翰生都督賞白荷花小飲

軍門日暮敞瑤杯戈戟光搖白羽開月氣着花酣影重  
海波吹雪犯香來心孤夢繞冰荷冷世難秋驚玉露催  
漫翦銀燈照清飲芙蓉帳底覓詩媒

偕王蘭汀黃笛樓何一山遊白雲寺

古寺夕陽昏登臨憇石根雲深秋在磬山迥月當門泉



冽九龍醒

謂九龍泉

洞靈諸佛尊此心堪入定何事溷塵喧

過雙溪寺月中小飲

偶踏山中雲更飲雙溪月炎暑生秋風新涼襲毛髮泉  
聲動幽響草樹暗岩窟石奇冷光瘦徑曲月波折寂靜  
無一喧塵坌影俱沒雲意如詩閒月光並酒活山深夜  
露重坐久濕侵襪

王蘭汀出所著松石齋詩稿見示詩以題之

積習變氣會佻音代難掃極力挽頽風昌黎古所少旗  
鼓擅才雄縱橫氣深浩賦性見真源狂吟激幽窟搖筆  
動萬卷搜奇盡三島江山昔得助往復巴渝道嶺海藉  
四照堂詩集卷五粵東

八

鹽車名區遍探討放衙擊鉢頻索句閉門早咳唾成雲  
煙聯綿串珠寶力大強弩摧境高秋月皓自賞時獨豪  
視人豈所橋同調何寥寥千春振孤抱

蔡緯卿索畫嶺海聯吟圖並題

炎海相逢地聯吟極所思鄉懷武林遠才萃廣南奇韻  
事堪千古歸心定幾時

謂少衛

畫中好壇坫鞭弭念追隨

李子虎索畫樂圃圖並題

十載避兵處鄉間樂園存田園新入畫山水舊當門擬  
踏白雲塢來尋黃葉村故人雞黍意相約到南軒

千里離情海國通人間天上自相同一年一度誇良會  
輸我連宵入夢中

寄傅靜山

客邸輕相別天涯感滯畱遙知四更月應憶五羊秋南  
服靈煙莽西山鶴夢幽但聞兵祲在笳鼓動人愁

寄贈歐陽辛木

聞說歐陽子於今尙苦貧困窮能益氣心首肯低人畫  
意涵天海

君有觀海圖

詩靈動鬼神相思不相見華髮變緇

塵

劉馨吾索題橫琴古屋圖

四照堂詩集

卷五

粵東

九

海雨仁來山閣沈七條琴索生離音秋鴻渺渺忽飛去  
兩目送斷青楓林古屋隔世氣色靜瘦玉對座情懷深  
罷彈太息賞音寡山月正透梧桐陰

懷胡小山

聚散都無定風塵兩鬢絲百蠻頻問信千里各相思宦  
海浮家穩詩情人夢奇

謂題夢遊衡嶽圖

長沙多難後愁聽角

聲悲

懷李季眉

芋園揮手三年別客邸相思一夜情海國風霜人老大  
湘門風火寇縱橫燈前話雨奇懷熱晝裏吟秋嶽色明



謂題夢  
岳圖 回憶城南盍簪處琴尊遙隔夢魂清

### 懷李穀琳

十載不相見故人今若何關山徧行役鬚髮感流波傳  
酒清湘夜排筵白紵歌天涯一回首殘夢尙婆娑

### 偕王蘭汀遊浮邱

並序

浮邱在廣州城外撒金巷天遊精舍是其故地  
昔有紫清樓挹袖軒今皆無存惟石桃二株土  
人云是仙人遺種相傳地道與羅浮朱明洞通  
故有羅浮肘腋之稱

昨尋安期躡蒲澗紫茸花細菖蒲綻今訪浮邱看石桃  
四照堂詩集 卷五 粵東

十

實大似斗垂枝高神仙迢遙不可接黃雲壑斷仙蛺蝶  
信知靈境隔塵寰那有因緣證前劫珠江江北羊城東  
流霞日暮騰青紅恍惚霓旌排玉女九霄導鶴鳴天風  
紫眉碧眼夢曾見飛雲絕頂攀遐蹤往復羅浮五百載  
就中肘腋煙雲通鐘磬無聲海濤寂蓬萊飛去無消息  
十丈桃花慘不紅斜陽滿地餘荆棘紫清挹袖空莓苔  
何論天游一精宅今我躑躅生長歎片石照影池波寒  
秋光四圍土花碧冷燄數點流螢殘翠玉巢邊望仙子  
何年駕鶴重來此悵悵清溪五色芝仙草離離暮烟紫

### 題張南山花甲閒談圖集

文章經濟與琴尊能事都從絕頂論一代才名遍湖海  
九重恩寵接兒孫煙波偶泛元真宅蓬徑深關仲蔚  
門鎮日閒談數花甲風光千古畫圖存

楊子卿自佛山返羊城明日復往佛山作詩送之

來往汾江一葉舟好風頻作佛山游詩尋海國十年夢

人別衡峰九面秋畫裏梅花飛玉笛

見惠畫梅

天涯孤棹向

梧州

余將有梧州之行

客途何事輕揮手惆悵靈鼇濁酒甌

偕王蘭汀登海天秋閣看雨

快雨飄風隔樹明倒傾蒼海勢縱橫且看閣外千行影

如聽江南萬馬聲毒霧漫空蔽霄漢妖氛拔地擁鯢鯨

四照堂詩集

卷五

粵東

十一

何當壯士揮長戟並挽天河一洗兵

秋日偕王蘭汀黃二山登粵秀山看木棉次韻

十丈撐空古木棉晚風紅碎夕陽天劇憐秋老渾如錦

不是花花現在緣

殘雨

九曜石西殘雨過五羊城東斜日生江濤翻風動長薄

海氣隔林明短檠千里鄉音魚雁斷百蠻兇禳虎狼橫

歸心欲慰高堂望猶恐焚香事未誠

八月十五夜馮少蘅招同符梅修楊榭巢蔡緯卿

家梅仙許雋卿蒞蘭谷分詠得踏月



天涯徒負月華明難遣奔馳楚客情  
宮闕夜寒仙路迥關山秋冷驛塵清  
三更銀汞流行色一徑氷痕促履聲  
此夕故園歸未得夢中空照馬蹄輕

偕王蘭汀過就樹軒聽雨涉川和尚索作圖並題  
暮雨蕭蕭作不止涼風穿樹何颼颼  
山深夕沈海煙黑聲急氣撼禪燈幽  
軒窗信筆得奇趣故國聯牀懷舊遊  
天涯客倦感傾耳如聽瀟湘樓上秋

寄懷黃東白薊門

淶江曾與縱吟鞭賸水殘山感昔緣  
海嶠游蹤輕馬鐵玉堂清夢冷花磚  
三邊風雪秋寒早千里關河客思

四照堂詩集

卷五

粵東

十一

懸似我聞鷄空起舞壯懷應亦換華顛

四照堂詩集卷六

湘潭譚溥仲牧

粵西古今體詩六十七首

珠江曉發

一棹海光昏沈沈曉色吞寒潮落魚夢殘月下江門照  
影鶯潭白凌晨蜃氣溫疎鐘三兩杵遙閣水雲村

舟宿琴沙汎

暮色昏林薄江天散綺霞灘聲雜羣籟一夜亂琴沙客  
路天邊驛歸心夢裏家是誰更吹角殘月倚樓斜

舟夜

四照堂詩集

卷六

粵西

一

荒微思歸地空江雨氣消秋風涼入髻邊月夜隨潮港  
小漁燈聚天寒客路遙誰家鳴畫角總觸夢魂銷

羚羊峽

羣山巖業排雲來劃然中斷蒼冥開鬼斧神斤恣開鑿  
羚羊舊跡何雄哉兩山峭立爭靈恠長劍穿雲倚天外  
畱取中流一線光水花白湧秋潮大灘江牂牁來向東  
千里滙派相通陡東洪波落危峽聲壯直欲奔天風  
三年久擬揚帆到信知靈境多奇妙何況溪中一片石  
瓊琨舊貢天顏笑出入江程三十里看山思硯情何已  
維船峽口重徘徊古寺疎鐘隔雲起



舟過硯洲不得登悵然有作

擬割仙雲巖洞幽抽刀無計斷溪流片帆風急秋江晚  
煙水蒼茫過硯洲

望七星巖

北斗明星象巉峿列上頭精靈鎮南服奇峭盡端州寶  
月照禪影崧臺橫暮秋推篷此瞻眺微雨澹江流

九日偕舒錦庭作

帆破輪摧未肯停奔馳猶是四年心天無成見安寒士  
詩有牢騷入苦吟海上看山秋又老客中聽雨夢俱深  
江亭竟負登高約

錦庭約登準  
提閣未果

漫插茱萸酒共斟

四照堂詩集

卷六

粵西

二一

旅夜

山店燈殘夜正虛寸心千里悵吾廬天邊歸夢慳宜楫  
枕上嚴更信統如久客髻鬢明鏡在長途風雨故人疎  
梧江小住緣何事空把鄉音問鯉魚

次韻答傳靜山

太空何蒼蒼兩丸自來去東山謫仙人長繩繫不住客  
中毛髮疎風霜每相妬故人未稱老窮通固有數底事  
悵蓬瀛弱水遲飛渡富貴果何如瑩瑩草頭露命達徒  
勞憎天高豈容訴未若行酒船花前慶良晤歡醉須及  
時平生遂所慕但恨吳楚遙同酣越吟句歸心五更月

別意一尺素日暮梧江雲茫茫隔林樹

柬李次白

三年飄泊羊城道  
蜃雨蛇煙苦未還  
又向梧江棹孤艇  
去從陽朔看青山  
奇情十載能通畫  
遊迹千秋適到蠻  
寄語同來廣南客  
吟邊莫負水雲閒

驛柳次韻張船山先生四首

幾家門巷倚新晴  
老柳條條縮送迎  
笛裏尙牽關道別  
風前爭聽馱鈴聲  
纖腰舞罷難通夢  
故國愁來易滿城  
何事飄零依古堠  
數行疎影拂屯營

漢南司馬撲征衣  
往昔攀條今十圍  
青眼忍看邊騎去

四照堂詩集

卷六 粵西

三

黃今難買少年歸  
煙銷灞岸魂初返  
月冷關山影亂飛  
一自渭城吹折後  
極大情緒總依依

阿誰繫馬向斜陽  
此去陽關是異鄉  
數點鴉翻荒戍雨  
一鞭人倦板橋霜  
悲生畫角孤城外  
秋老西風古戰場  
幾日章臺散歌管  
邊亭婀娜尙成行

玉關初入是涼州  
無那垂絲挂旅愁  
野店客來頻勸酒  
長亭人去幾封侯  
風流楚澤思狂態  
日暮梧江悵水流  
海角天涯正搖落  
驛樓相對倍驚秋

懷陳堯農師

八年未載元亭酒  
千里徒深問字情  
海國飄零孤劍短



城南怊悵夜燈清高吟白社新圖冊

謂城南雅集圖

漫畫青山

舊酒盟

謂耆舊圖

三楚主持騷雅事宗風遙振定王城

客夜

嫩涼如水透簾鈎孤館寒燈叫禿鷺千里鄉心懸古月  
七條琴索動離愁天涯瀆漩猶多阻夢裏瀟湘不算秋  
酒冷香殘無箇事夜深時看大刀頭

懷曹星槎太守

十載資陽別鴻魚屢問音江山名宦轍風雅古狂吟浩  
劫悲中澤飛烽息故林遙知江上月清見使君心

九月十六夜梁莘畬招飲梧江舟中次韻

四照堂詩集

卷六

粵西

四

秋江人靜月逾明畫舫尋歡正四更酒畔聽歌燈欲笑  
狂來騎蝶夢猶清漫拋家國關心事難遣煙花過眼情  
殘月曉風無限思輸君一曲柳耆卿

題張南山松廬把卷圖次韻

萬綠擁松煙天風忽浩然聽濤六塵外結屋十年前身  
退閒調鶴秋清自汲泉畫中讀書意聊檢自雲篇

準提閣

高閣照林塘秋風透水涼依山路頻折到寺日初黃古  
蔭沈松翠微颺瀉竹光僧雛解吟事含笑問詩囊

梧州曉發

遊興何時歇匆匆又買舟片帆煙際雨殘月磬邊樓路  
險難通夢山奇不負秋十年攬勝願陽朔定能酬

途中看梅

日暮移舟泊江岸孤芳寂寞開前澗獨挽春心向粵西  
蠻煙蠻雨無人看可憐天凍香逾冷兀傲奇花何不倖  
世外空同黯淡魂水邊自照蕭疎影荒微孤標併世無  
賞音何處逢林逋祇今破屋疎籬外猶是天涯海角餘  
年來顧影悲同調故園久別煙雲嶠惆悵關山四千里  
鬢鬢三載過少年漫折花枝當酒籌獨取爛醉排旌憂  
問花自按樓頭笛吹落江城幾度秋

四照堂詩集

卷六

粵西

五

舟夜二首

三更挂席來平壩十里乘風過下牛正喜深宵得潛度  
前途又報賊焚舟

蛇煙蜃雨逼蠻邦久築高臺不受降未識魚良今夜月  
可飛清夢到灘江

舟中遣興

看山又泛粵西秋揩眼船窗興更遒千里何心輕驥足  
三年將髻送烏頭西風古堠敲平壩落日孤帆指下牛  
未入畫中陽朔界矜奇漸見石成邱

下牛夜行抵魚良汎



昏黑不履險此理人所悟胡爲夜棹舟乃在下牛路漢  
池正弄兵烽火光達曙此地幸無虞乘窾得潛渡秋螢  
如鬼燐一一帆檣度似照旅人心凄然自親附下牛古  
稱險恠石根盤互不辨水中形但聞水聲怒舟人苦相  
際千篙爭一據豈不念艱危欲泊苦無處儻逢窮寇來  
倉皇孰保護將身委豺虎吾意豈忘懼忽報江隈明瞥  
見魚良戍柁師忙艤舟驚定氣難固我亦汗浹背開窗  
一瞻顧

上灘

遠驚灘影白近咤灘石高牽船試先上力眾勦鄰艘有  
四照堂詩集卷六 粵西 六  
似攻戰爭戈戟齊鋒交頭昂上逾促柁或慳石均勢退  
喚疾挽纜勁夫力驕一往合羣志寸進盈千勞路狹不  
可漿水湍焉用篙但聞邪許聲千萬相喧囂人十以至  
百上暮將及宵船平纜始收灘盡聲未消回看後我船  
千檣森岸遙世路歎絕險來者連暮朝

下古欄

破屋荒村夕照橫澄江如練抱欄明山深樹有瞞天勢  
水遠灘無縮地情一陣腥風飛戰血四更孤鬼泣殘檠  
船窗此夜波濤惡彷彿當年金鼓聲

馬江守風

打船波如雷篷窗聲震紙馬江寂無人孤舟空自熾心  
爲看山急十日預躡履胡爲此守風竟滯四日矣蒼天  
終有情好處自容趾漸入境纔佳躁進反失旨譬若倒  
啖蔗其味詎在尾巍巍陽湖山千古擅奇詭茲遊風所  
契捷足豈乖理君看來船帆乘風一何駛

阻雨

昨日方息風今朝復淫雨槁坐舟腹中愁心歎深阻聲  
沈篷背低影黑眼光瞋逼人鼉氣腥吹燈鬼颺怒艙壁  
未四尺眠食類囹圄飯甑與筆牀錯雜溷交處我性不  
可鬱動蕩色飛舞何況看山心急若矢離弩欲絕有漏  
四照堂詩集卷六粵西  
七  
天恨乏女媧補匆匆三日情淒然悵煙渚

昭平道中

峽雨併風飛新寒曉犯衣亂山將客夢昨夜送人歸地  
僻民居隱江空古岸圍霜林帶長薄紅似照斜暉

平樂道中見黑山巋然羣起喜而有作

黑雲層層立江北四旁黯淡天無色柁師道是昭州山  
驚看匆忙眼光塞孤舟漸近山漸高勢將壓人應莫逃  
拔地無根那從上噴岫以次攢青霄雨溜風磨石色黑  
霜凌日炙秋容凋羣山靈異狀難白大小相依各伸仰  
扶肩伸脚細通語聯腋掀眉笑迎客似劍橫腰仙骨堅



如螺綴頭佛容瘠背倚欲墮將千回頸交相去未數尺  
盤踞僅在十里內微揣峰多不滿百十里以外都平庸  
遙避峰稜恣奇特太息山奇不可窮所見非人意想中  
始知造物擅奇處我縱欲傲難爭雄舵師掉頭不驚目  
笑說先生見何促洗眼再看青山奇明日開帆到陽朔

陽朔道中

青蓮誰舌吐萬朵鬱孱顏翠立孤城影空峻一縣山昔  
會收畫理今尙隔塵寰聞世千秋在無名豈足關

山多無名

江上對景言懷

江雲忙於帆紛飛不肯歇日暮綴巖樹恍對南衡雪山

四照堂詩集

卷六

粵西

八

影秋風搖鳥道寒煙滅小橋斷行人古岸照涼月數叢  
山蘭花隔水幽香發

登獨秀峰有感用張南山韻兼呈勞星階中丞

巋然拔地古城偏振策來遊獨造巔一水離湘東到海  
萬峰分秀各爭天窮蛟飢鱷銷氛祲華屋荒邱有變遷  
搔首蒼茫此瞻眺始知策越要名賢

興左方城夜話卽贈

孤燈一穗閃窗明旅邸談深欲四更月影淡流疎磬遠  
酒波涼洗素懷清官從戎馬增聲色詩向湖山補性情  
同是天邊涿游客輸君車騎擁霓旌

客中聞鄧仲權之訃詩以哭之

客途聞訃淚珠流才大天教賦玉樓別我曾牽千里夢

哭君難洗十年愁詩拋海國浮山雪羅浮證雪圖未經題句畫憶

城南老樹秋會索畫城南雅集圖毀死趨庭不將母九原無地泣

松楸

題鄧伯昭雪堂聽雨圖

玉樹生埋第九枝黃州憶弟幾何時那知一夜雪堂雨  
竟作千秋死別悲畫意雲山秋黯淡客懷書劍影離披  
天涯故事仿坡穎孤館殘燈祇夢思

鄧伯昭屬畫雪堂聽雨圖並題

四照堂詩集

卷六

粵西

九

客路相思悵脊令畫圖難遣雪堂情君聽一夜蕭蕭雨  
不獨黃州是此聲

呈勞星階中丞

奉使不到中華外宦海論恩何足大立勳不出艱危  
中昇平濟世奚足隆何況文章光燄一萬丈芳名舊擅  
蓬萊宮古來幾許英雄色抗手堪容文潞國生佛溫顏  
鶴頂紅大臣風采雀翎碧闕海會自安南歸旌旗萬里  
宣皇威看山今擁桂林節八騶高駕雲仙轍嶠外波  
濤帝澤深胸中兵甲臣心熱餘事爲詩筆陣橫妖烽  
一抹掃鯢鯨四更寶帳籌兵夜千里窮荒汗馬情名士



從來擅奇策旦晚勤勞 帝心識且看買犢農人歸正  
喜韜戈兵稜息功臣膽氣何其豪威儀早震南征鏢天  
涯保障縱橫處笑指蠻方五嶺高

遊棲霞寺

巖洞蒼涼古寺非妖氛吹影散塵飛殘碑細蝕苔痕斷  
碧血叢侵草色肥佛老竟難逃浩劫僧窮爭欲典寒衣  
經魚粥鼓都零亂破瓦堆中照落暉

七星洞

古洞劈雲隈山靈昔壯哉七星猶聚影一劫未殘灰北  
望家何處東旋罅復開客心驚眺定地底忽風雷

四照堂詩集

卷六

粵西

十

由棲霞山穿洞出月牙巖登眺同友人作

洞深莫測棲霞大數里中空敞幽惟把火來遊日未晡  
暗中瞥見神仙界數人牽臂行相隨黑氣照人神色灰  
路滑欲住強攀附十指切石陰風摧瘦削無光鐵色黑  
巨細塞徑頑雲堆人牛鱗介肖形似送影直逼心魂猜  
懸空石齒欲墮地擊之似磬音清奇料峭突兀各異響  
有若鳳管排參差鋒棱橫來慣刺額曲折轉入頻遮眉  
石髓有時滴作雨澗泉無脈流成池寬處如天渺無跡  
有目莫克窮其極但見石精照火搖星紅又似蛇虬張  
睛睇人碧傍空不辨去何所深幽下視更驚魄古岸圍

闕無路通

某中丞置石  
關於其間

時聽冷飈號浙瀝  
叫嘯答響聲

更雄屈伸隨巖影  
那息十步五步有高下  
三重四重又開闢  
門仄忽覺身難前  
竄進似蟻將珠穿  
巖隙偃僂不懼壓  
性命到此甘相捐  
以次摸扶那見路  
竇中呼伴聲音堅  
十丈以外豁幽窟  
顧視來程罅逾小  
笑說吾曹此破胎  
墮地翻憐髮膚老  
火色既盡巖光生  
一夜恍惚東方明  
俯首出洞似出甕  
眼光再世何其清  
指點月牙過山北  
步履舒徐行得得  
振衣臨眺一回顧  
棲霞遙遙半天黑

伏波祠

四照堂詩集

卷六

粵西

十一

漢世功臣膽未灰  
靈旂拂拂展風雷  
椒房豈意妨名將  
惹惹何心伏禍胎  
一柱生銅勳業在  
千秋遺廟桂江開  
劇憐馬革捐軀後  
不向雲臺畫像來

遊風洞山同友人作

山石何宕蕘拔地勢  
卽縱腹罅竟透背  
中空遙作洞石色  
黑立鐵天光青人  
甕風從陰巖生時  
復作吟弄迴旋聲  
旣狂曲折力逾重  
我偕二三友隨風  
穿石縫行之恣往  
復吹噓逐迎送遊  
意快奇賞涼情破  
詩夢始知風風人  
春來無定用

何琢石招飲卽席賦贈兼以留別



絳蠟光搖酒影明絃歌撩動使君情

琢石云不向客中歡飲已八年矣

官貧不負千金壽

是日爲琢石生辰

世難還聽八桂箏錦水孤

帆飛客夢梅花短笛送離聲座中難遣纏綿意恠底鄰  
雞下五更

### 有感

猿嘯鷹啼各愴神蜚煙蠻雨在灘濱梅花古洞香雲碎  
榕樹江亭宿草陳貔貅天南兵未靖鴻魚湘北信難真  
故鄉更別并州路千里茫茫客髻新

### 期芷生弟不至

船窗車壁家無定獨客天南此薄遊暮雨榕城酣醉帽

四照堂詩集

卷六 粵西

十一

朔風湘浦憶行舟三年綠髻駸駸老一夜青燈黯黯愁  
有約未來經歲晚鴿原惆悵雪花浮

### 趙子繩索題遺薪琴二首

亂兵烽裏出遺薪三尺焦桐萬劫塵未信知音說難遇  
人間何事不前因

古趣層層味獨深摩挲眞見宰官情相期宓子絃歌地  
管領湖山第一聲

### 小除夕感懷

一歲匆匆又小除殘杯冷炙愧僑居奇情千古負長吉  
直道寸心懷子魚象老鼻垂荒徼月雁迴峰阻故鄉書

謂象鼻山  
迴雁峰 客中今夕已三度但恨風塵髣髴影疎

甯藍峰出詩稿見示詩以題之

鶴立鯨跳幾俊才新詩脫手見風裁  
虛堂靈穎千行動太古奇情一鑿開  
世難無心收短劍官閒將夢托深杯  
狂搜險覓聊乘興已是人間不朽材

呈嚴仙舫方伯四首

初日照宮袍雄冠肅羽毛 恩移豫州節風靜桂林濤

福大聲容別才奇顧視高文成能靖粵一劍展戎韜

世擅功臣略征苗畫策奇

謂其尊人樂園方伯曾獻征苗十策趨庭有真

學持節見遺規鬚髯霜華潔精靈海嶽垂楚南生色地

四照堂詩集卷六 粵西

三

豈獨澈溪湄

方伯澈浦人

記日巡行去羊城保障橫炎方消活佛凋瘵感恩情海

國詩懷壯江山著作宏衙齋多水石堪證長官清

粵東藩署

內池中有  
九曜石

賤子看山便灘江此薄遊涓溪飛別夢荆楚附軍謀

將隨

會滌生侍郎  
効力鄂陽

智小思擒寇帷深敢借籌將軍曾百戰餘

論不妨優

次韻酬胡嶰樵贈別四首

輪蹄八桂竟逢君十載相知見性真  
襍被迢遙向何處

天涯同是避兵人



別情歸思兩難拋，細剪銀燈話寂寥。一夜湘南千里夢，  
破窗飛影又蕭蕭。

七尺珊瑚徑寸珠，粵人饒我證清娛。自漸長物無多在，  
筆底江山有畫圖。

相逢相別太匆匆，又把離歌唱惱公。且喜東風照行色，  
楚天一路杜鵑紅。

正月十二日彭星綺招同姚庶侯胡嶰樵談岫亭

高裕棠小飲風洞山以東坡先生仙壇古洞不可  
到闖韻得洞字

天半招涼下巖洞，酒波吹影搖孤甕。石恠爭敞榕門空，

四照堂詩集

卷六

粵西

十四

詩奇欲破太古夢，圓明大竅何茫茫。奔馳未歇塵中鞅，  
何況妖星射慧光。隙處爭穿難合縫，陰房夜閃鬼燈青。  
暗壁寒生金盞凍，吾儕觴咏豈好事。各有深心及黎眾，  
就中泱泱多仁風。出罍相期天下共。

晤高裕棠兼以畱別

三崑亭外垂頭別，八桂城邊握手逢。客路繁霜生漆髻，  
天涯孤劍照狼烽。饑驅赤腳塵千里，故國青山夢幾重。  
又向灘江挂帆去，晚風飛笛過西溶。

題畫贈朱伯韓觀察

青山如高人，屹立遠塵滓。白雲時去來，寸意繫動止。詩

懷亦何深百竅發幽旨奇峭盡桂州靈氣附驅使天地  
生才心山川爲君始

題畫贈甯藍峰

桂海青山恣奇特君詩乃與山爭色宦轍來遊亦盛緣  
才人位置由天宅林樹深埋賊燄青使君老去傷吟情  
南天待掃欒槍影中澤聽呼父母聲荒邱華屋都更變  
新鬼夜號陰雨斷十丈松楸莽劫塵三邊烽火餘危難  
策越功推范蠡殊征戍無聊此送徒洗兵記日施霖雨  
願畫榕城保障圖

興安道中

四照堂詩集

卷六

粵西

五

數里陡河路城低老樹前春苔明戰血荒日照蠻天縣  
小居民散衙焚吏事捐是誰鳴畫角暮氣冷殘煙

全州道中

古湘山外市塵荒一水灣環繞戰場日暮冤風吹不散  
霾煙無數滿林塘

四照堂詩集卷六



四照堂詩集卷七

湘潭譚溥仲牧

沅湘古今體詩八十三首

舟宿愚溪口

小橋流水隔灘生一夜潺湲入枕鳴黃葉白蘋春夢在  
瘦蛟飢鱷莽妖橫江山勝跡空遊屐湖海豪情愧此行  
漫倚篷窗證清飲四更明月照溪聲

零陵重訪胡約齋

記向芝城揮手去却從郴水得相逢五年細數湘東別  
雙爪重萼雪上蹤仁政昔看驅虎跡奇功今聽掃狼烽  
四照堂詩集卷七 沅湘 一  
使君畢竟能還我饒有蒼生話短筇

碧雲菴

六年曾小住千里復重來坐對碧雲影空深鴻澤哀鼓  
鼙猶動地貔虎正矜才試斫風前劍江天下晚雷

三亭

三亭堪適趣日暮此閒遊清韻邀泉和奇情與石謀數  
弓開隙地曠代想風流碑記隆隆在摩挲九百秋

黃海華招同朱寅菴張蔗泉楊紫卿小飲次韻

兩度愚溪挂帆過千村聞道妖氛侵古寺殘碑掃遺跡  
謂緣天菴已被賊焚荒原落日空前林長官昔存父母念鴻澤可

繫哀鳴心花邊招醉小桃碧無補韻事徒相等

胡約齋招飲卽席賦此兼以畱別

榛荆滿地遊情惡卅載流光送飄泊安得淨掃塵緣空  
六時醉領花閒樂胡侯招我豈無故笑指頭顱白無數  
萬事如何掌中杯千愁且洗花上露綠雲深擁天桃紅  
瓊筵對敞衙齋東酒波飛影下斜日花氣隔座來清風  
九巖相憶花前別芙蓉舊館銀樽熱風雨重來動五年  
心情已碎輪蹄鐵且自深杯醉不辭唾壺擊破無人知  
碧桃無言似解意嫣然一笑揚香願主人比我真豪特  
酒容紅映花顏色班管狂飛翰墨香詞鋒快掃蛟鼉魄

四照堂詩集

卷七

粵湘

二

七載泉陵活佛情三生宦海風流伯對酒當歌莫放閒  
揚帆我正乘風還與公更作芝城別惆悵花邊十二欄

游浯溪酬楊霖堂次韻

漫郎棲隱地恠石鬱嵯峨碑字摩神影

中興碑

江聲促鏡

波石舊遊春夢短陳句莽塵多幸接名區宰臨風發浩  
歌

衡陽遇吳蓉航

昔向泉陵同握別今從鼓石重相尋六年舊夢孤燈在  
千里離懷一榻深山水因緣悲謝眺諸侯賓客誤陳琳  
把茆共結牆東屋何日看雲入故林



題畫

青山如美人未嫁髻先槁惆悵好煙鬟空隨白雲老

銅佛

不辨生銅青先親佛容潔妙性見真如吾儒憐寂滅色  
相自不懷髻鬚愧將雪九十一劫中金仙讓靈訣

登石鼓山望嶽

天外排雲見山頂雲中一半埋山影惆悵青痕破碎多  
全神合向胸中領絕壑雲深古洞開朱陵石鼓通幽壘

衡嶽朱陵洞  
與石鼓相通

就中拔劍一叫絕百怪震駭羣靈飛破空

奇夢會飛寫脚底秋雲萬山碧趾離拔世何其豪五峰

四照堂詩集

卷北

元相

三

蹴踏天門高祝融振策極瞻眺梯雲撥霧探仙竅化雀  
聊隨赤帝遊冥心竟覓華存笑大醉狂呼海日升山椒  
夜半來清照萬頃金波大地浮五更鴻洞東溟倒千里  
南中久未還衡峰九面無從攀祇今笑指雲中影彷彿

當年夢裏山

謂夢  
嶽圖

次韻酬吳蓉航見贈兼以畱別三首

澤國離鄉社妖烽莽柘桑人牛兵燹散沙草寇塵荒虜  
掠搜村盡家書照膽涼古羅歸思遠雲水一蒼茫

偶容諸侯幕衡陽繫此心塵緣經世淺名酒及情深水

淨容誰唾山奇逐夢尋小遊聊遣興相與縱狂吟

約游  
石鼓

我亦浮家客孤篷思渺然遠遊探海倦奇畫併山傳蒲柳親顏老兵戈世難懸明當挂帆去歸路指湘煙

次韻畱別曠子石四首

記作熊湘別風塵七載多那堪將綠髻相與送流波覽勝輕湖海牽緣補薜蘿墻東把茅地鄉園有巖阿世難誰能挽沅湘莽盜烽共期收爪跡且莫寄萍蹤雁路迴峰早春雲送雨慵塵情應破淨古寺一鐘聲

七十蓉蓉底明當與結鄰撥雲尋舊夢掃石證前因林洞堪投老乾坤此側身一竿聊寄興落日九溪濱

舊雨尤多侶

謂王子雲石海帆

登場好鬪吟天風飄短笠海雨

四照堂詩集

卷七 沅湘

四

勳孤琴世外神仙影山中宰相心臨蒸暫分蘊莫是感離音

過毆陽赤城禪寓

賈誼井邊別定王臺畔逢六年尋舊夢一杵過殘鐘大將揚無敵高懷邴曼容湘西又多難此意繫孤筇

馮孝則招飲卽席賦此兼以畱別

三月東風花亂飛酒光紅映玻璃杯一年好景又將盡人生不樂胡爲哉馮侯折柬知斯故尊前作達獨相顧笑把征衫勸酒籌花邊醉倒春無數百年過眼煙雲忙千蓋關懷夕陽暮君不見酒國雷轟幾個飄飲者得名



千古高儻非大醉縱所欲老天亦叱非雄豪何況新詩

照奇彩衡陽舊數循良宰杯底天將為壓愁君有天壓愁懷入酒

杯之畫中誰更能題海謂題虎門觀海圖君才何止為官清酒

詩舊擅南中名顧我深蒙推獎意九十五才無位置餓

虎飢鷹膽氣粗脚根所歷成虛地酒邊作底輕言別明

日黃塵轉輪鐵是誰吹笛倚殘紅晚風飄墮離亭雪

同王子雲曠子石僧雲谷過曠鶴秋飲酒分韻

南衡避地寇氛斜豪飲難拋處士家世外有情還好佛

春來無夢不憐花才高海嶽收詩膽謂題夢岳觀海兩圖人老風

霜逼髻華安得神仙王十八更從古洞飯胡麻

四照堂詩集卷七沅湘五

曠子石招同曠鶴秋王子雲小飲南嶽山下

相逢意外倍多情折柬何當集盛名倦眼洗塵來佛地

酒波搖影下南衡交深杜甫雲千疊老逼馮唐雪數莖

一度登場一回醉人閒消得幾詩盟

僧樹懷招同曠鶴秋子石小飲崇寧寺

古寺嶽雲深拔身尊道林曇花飄夕磬海月照禪心破

戒能酣飲傾懷此鬪吟前緣應有石好證去來今

誅五狼行為曾滌生侍郎作

五狼當道羣虎嗥眈眈一視窮秋毫平原曠野慣偵伺

搏擊百獸搜蓬蒿黃狐老兔尙不免區區犬兔烏能逃

居民未午輒閉戶行旅相戒毋犯巢神隍社廟訴不理  
獬豸頗亦貪牲牢九頭獅子雲中來親承 帝命除腥  
臊立取五狼斃草莽羣虎震懾餘悲號從此鄉村得安  
堵犬吠天明雞報午我聞騶虞不世出深仁大化周寰  
宇君不見遺孩三尺爭啼飢虎穴分甘一升乳

到家二首

黃潭明老屋碧水帶青山自我別家久煙雲空往還荒  
原兵燒在野店市門關世難謀歸日妖塵且未刪  
弟兄一星散奔走各謀生四載親顏老三湘粵寇橫山  
妻問行色穉子數離情笑指頭顱白歸心如許輕

四照堂詩集

卷七

沅湘

六

次韻酬炳生弟見懷

客邸勞相憶天涯獨遠征劇憐千里別難遣四年情白  
髮親顏老秋燈古劍明巴邱猶未靖豺虎勢縱橫

與陳卧夫語舊次韻

歸帆千里逐雲飄破屋疎燈話寂寥故國妖塵埋樂土  
海天晴雪夢寒潮兩人心事樽前覺四載鬚眉別後凋  
萬斛樓船踏波去巴邱爭與聽鳴鑪

卧夫有從  
戎之意

晤歐陽篠岑

記別湘城路匆匆已七年妖氛流毒在舊夢與情牽髮  
爲憂時變官非退老懸哀鴻今滿地中澤望鳴絃



次韻酬黃峙雲

東籬下斜日瘦影搖秋香三徑幽花叢枝葉猶未荒自  
顧生長嘆我髮何蒼蒼長計在樂土短衣懷戰場斯世  
正多難隻手誰扶將君爲有用材趨止畱村鄉豈不念  
生殺搔首徒傍徨莽莽狐鼠羣森森戎馬行繫情各有  
劇太上胡能忘慷慨餐落英西風摧我腸

寄懷張曉峰鄂中

雅集城南舊草堂三年鄉社散壺觴花埋別徑秋雲冷  
夢入晴川古月涼才瞻盤空明浩氣奇詩飛影下靈光  
劇憐楚北烽煙地經世從來善主當

四照堂詩集

卷七

沅湘

七

舒錦庭索題古眉峽殺賊圖次韻二首

五嶺論功地窮荒此得名萬妖迷古峽一劍掃邊城虎  
將推神勇鴉軍服眾情由來征戰事端要有先聲  
銅柱殊勲在蠻方古戰場書生善戎馬戈戟照秋霜畫  
裏鬚眉壯吟邊膽氣狂灑江猶未靖中澤繫情長

與彭雪琴夜話次韻二首

鳳泊鸞漂不計年燈前話故各茫然海壖勝事畱詩在

雲水奇情有夢牽

時雪琴自洞庭同長沙

知已要深千古意窮通

偏隔一重綠靖湘畢竟稱神勇畫裏燄天火尙然

謂靖湘圖

營門此日重聯袂老馬追隨慣逐羣虎將夜圍千帳月

霓旌紅擁一船雲天無成見難言命事豈文章敢策勳  
自是班超投筆起救時心事也殷勤

晤李次青卽贈三首

相思如轉輪無角不可歇別後七千里迢遙判燕粵腰  
脚輪堅強髮鬚愧將雪匆匆十年中聚散與世別  
昔日城南別今日城南逢軍門與講舍所易無通窮但  
恨時事乖撥亂須英雄哀鳴念鴻澤此志將毋同  
讀書泥於古寄興聊長吟君爲太古月照我三尺琴清  
光何瀾漫皎然明我心千秋不可昧蓋代惟知音

爲王壬秋畫松題贈七古

四照堂詩集

卷七

沅湘

八

古幹兀立靈根深天風一夜排層陰蒼鱗漚雨碧苔上  
勁氣拔澗秋煙沈自有君家雪色壁紙外可以窮千尋  
何況君詩極靈妙空中早具縱橫心陡然落筆千丈強  
高處莫可窺凌森神奇乃獨似松樹冰雪萬古磨胸襟

靖湘圖爲彭雪琴題

弁序

咸豐甲寅四月粵匪陷湘潭聯船岍花亭以上  
三十餘里檣竿林立照影漫江雪琴縱火燒之  
不滅者三日因作圖以紀事顏曰靖湘

溇潭

潭人

也感君之功用賦此篇

湘月涓涓湘水清妖塵吹影污空明是誰得計便謀火



一炬爲我還湘靈書生勅勅好身手戈船振舵神風陡  
縱火心雄火色驕燄天一夜明秋毫千艘斷鎖碧篷燼  
萬寇厯劫黃頭焦君不見 世祖武功基業定羣黎  
稽首同歸命到今承平二百載湘波千里如平鏡小醜  
何心欲弄兵 皇仁所及殊精誠此時新鬼沈寃夜應  
悔生初向化情將軍偶紀天吳績湘水猶凝寇餘寂一  
片孤城萬壘山畫中慘澹悲風寒

從戎

書生戎馬尋常事有底矜奇說戰功神算得天無智將  
通才酬世亦英雄千軍劍戟霜鋒白萬帳旌旗海色紅  
四照堂詩集卷七 沅湘 九  
我愧鬚眉今老大請纓猶怕負終童

祭礮

似有靈光鎮列營羣官稽首各情傾無車畢竟成頑鐵  
有腹真能貯利兵氣大劇憐河岳壯聲雄如聽海天鳴  
是日各炮齊發賜衣一例紅於火十里湘波照眼明 祭罷分贈  
炮衣皆紅色

祭旗

一利神飈展隊開畫旗高壓浪花堆氣靈能表應兵信  
物小堪通選將才萬里乘權收視聽千軍窺影肅風雷  
湘濱祭罷舒行色龍虎光中夕照催

六月十三日長沙發舟

妙高欲舍半峰日  
戈船開帆勢何疾  
鼓角震響蒼江沈  
旌旗翻風絲雲溢  
洞庭西下波初平  
帝城北望情殊密  
此行但看洗兵雨

是日大雨前夜經天月離畢

洞庭觴月同彭雪琴楊厚葺作

十年曾泛洞庭波  
灑酒吳昌弔泊羅  
雲水滿湖秋似夢  
江山一代髯初皤  
荆襄西望寇塵合  
澤國哀鳴鴻雁多  
此夜樽前感戎事  
座中諸將是廉頗

過楊厚菴舊居畱飲卽贈

古羅八載宦情勞  
曾買園亭接板橋  
此日適尋湖上夢

四照堂詩集

卷七

沅湘

十

歡場應憶酒邊簫  
秋光照水狼煙淨  
醉影欹風雀羽飄  
湘上論功誰抗手  
將軍知是霍嫖姚

呈曾滌生侍郎

東南數日天風驕  
熊熊火色喘城高  
湘潭焚寇似焚草  
恆河一劫沙塵飄  
將軍膽氣何神壯  
使兵以指隨諸將  
謀深胸臆展戎韜  
夜肅旌旗飄武帳  
奇才抗世幾人同  
帝心早識真英雄  
故鄉獨捧巡行節  
義勇捎撤沅湘  
通西羌不數趙充國  
南服堪稱文潞公  
况復文章本經綸  
濟仙鸞舊展蓬山翅  
名士襟期肅羽毛  
人中品望昌昌騏  
驥天西生佛本難逢  
父老津津表戰功  
神仙術火真無



敵警見安公騎赤龍

觀彭雪琴楊厚菴射獵

一矢正嘯風秋鷗墜馬雄眼旋芳草碧血灑戰袍紅大  
將心魂熱凡毛顧視空歸來湖上月弦影似彎弓

六月廿七日夏鳴之約同褚一帆彭雪琴楊厚菴  
遊君山中途返舟泊萬石湖是夜大風雨紀事次

日過贈

尋山約踏湖心綠中道迴舟願難續歸來天地忽異色  
夜半風雷勢何速湖波十丈摧琉璃海雨一刹恣傾覆  
鬼哭神悲影未收舟飛檣折嗟相觸時事詎在意計中  
四照堂詩集卷七 沅州 十一

六月廿七夜

莽雨併湖傾船燈慘不明蚊應驚膽破天似觸波鳴水  
氣沈山影詩靈奪旅情何堪犯妖逆南浦更縱橫

舟夜同彭雪琴作

夜色敞湖天行營列陣圓月高秋在水波攔夢無邊名  
劍收千劫奇詩掃萬緣五更風露下杯酒話兵權

感懷

澤國何時靖哀鴻日夜深  
籌兵三楚地憂世四年心  
雲夢沈清影新牆感斷音  
無勞問生殺一劍掃妖祲

次韻酬夏鳴之見贈

麟鳳無聞竈煙綠集絃何處煎膠續  
奇才悵想不得遇  
髮白鬚蒼亦何速  
新雨何來管鮑交  
杜陵無復雨雲覆  
湖上投詩鬼嘯窮吟邊吹雨蛟魂觸  
摩詰自擅丹青長  
但恐作程無迫促  
時屬畫虎門觀海圖  
說劍談兵此百忙  
虎門秋意懸心目  
澤國鴻雁紛哀鳴  
父母情懷一陵谷  
自來儒將策勳奇  
楚湘千里鯢鯨伏  
謂岳州逆匪已靖

登岳陽樓

四照堂詩集卷七

沅湘

三

卅年舊有登樓念今日平湖入望中  
勝地自來遊客少  
神仙去後酒杯空  
熊湘殺運收長策  
鄂渚妖氛滿  
故宮我亦憑闌繫  
憂樂楚天秋色際  
雲紅

城陵磯

十隊戈船擁利兵  
殺人如草勢縱橫  
可憐新鬼含哀地  
湖水濕漉夜有聲

又

城陵磯上湖雲愁  
城陵磯下湖波秋  
陰風浙瀝水聲碎  
夜半鬼哭時啾啾  
烈火熊熊照殘劫  
沙塵冉冉飄荒邱  
草根零亂不知數  
賊骨臭敗無人收



白螺磯弔褚一帆都轉

汝航

夏鳴之太守

鑿

兩岸悲風撼白螺亂兵如蟻散江波搜才擬振凌霄羽  
一帆鳴之皆粵員  
滌翁招之効力誓死難迴落日戈毅魄千秋光信史  
塵沙一劫冷恆河磯邊回首埋忠地不獨蒼生涕淚多

湖南粵匪已盡作詩贈彭雪琴楊厚菴

楚南沿道多窮狠城市數載漫毒光阿誰竟日掃凶祿  
戈戟冉冉飛秋霜將軍膽氣大如斗直入重圍梟賊首  
隊後何曾有應兵眼中早已無羣醜志士能存一點誠  
巨石沒羽無完精何況狙狙念救世寸意可以盟 皇  
廷諸將紛紛填宦海貂冠雀翠恩徒在麟閣思存畫裏  
四照堂詩集 卷七 沅湘 三  
容蜺旌漫畫行邊彩武帳誰堪抗世雄英風不減古終  
童短衣匹馬道陵路看洗刀頭熱血紅

喜陳仙嶠姑丈見訪兼以留別二首

記作湖城別匆匆今七年昭潭陷窮寇老宿存華巔村  
接朱陳路歸留楚粵緣呼童漉新酒相與縱吟鞭

舊種南山樹春來可著花與梅寄孤傲拔世空鉛華叔  
夜自非嬾楊朱何所嗟輸公身入定 時姑丈  
奉象教馬鐵又塵

沙

晤楊砥皆

七載不得晤海國深遐思歸來話湘月對影澆清卮資

江離別情裊裊垂楊枝回首此相憶舊夢何躑躅君才  
倍曩昔氣變神色滋咳唾隨長風粲然珠玉垂愧我燕  
彩華兩髻今成絲文字曷有極出處味所之未知特達  
懷抗世應可期但看青山色塵外多幽姿

時爲畫  
山水

偕楊砥皆張樹人登希青亭

並序

亭在縣城西三里傍有白骨塚明季獻賊陷湘  
潭殘骸滿地冤鬼啾啾得歎邑黃希侑程青來  
二君拾歸窀穸因建此亭顏曰希青蓋合黃程  
之名以紀之

落日傲孤亭煙霾接渺冥秋墳羣鬼哭冤血隴雲腥獻

四照堂詩集

卷七

沅湘

十四

賊流湘毒明懷負楚靈吾儕憑弔意端不減希青

歐陽功甫見示詩稿詩以題之

復古振氣會大筆搖山川一字一寸鐵沈鑄精魂堅萬  
卷洞心印掇髓窮詞淵律嚴不可縱鬼哭時啾然深夜  
掩卷思幽眇飛羣仙奇思破太古造物空塵緣君才何  
可羈我嘯狂欲顛願爲東野雲相將摩碧天

同張樹人登湘潭城樓有感兼呈曹星槎

暮色黯孤城冤風捲地生劫殘秋似夢湘冷月無情失  
計罹奇禍迴天挽義兵茲來頌賢宰萬口一神明

哭吳樵臺孝廉

淮

用歐陽功甫韻



枉從人世說詩豪始信浮生似羽毛天與奇懷還氣短  
死爲才鬼亦名高四更噩夢迴孤枕冊載雄心冷佩刀  
樓臺會試未售其姬人夢其歸拍案大叫曰吾前身禰  
衡也今以落魄死言畢大哭姬人驚疑詢其夜卽樓臺  
沒於京師之日此後聯吟誰抗手青琴零落廣陵濤

爲曹伯香畫山水題贈

七年迢遞資江別海上題詩每憶君此日相思入圖畫  
最纏綿處是湘雲

晤曹星槎

資江離別輕千里湘水盤桓得數旬七載煙雲眞似夢

卅年琴鶴未嫌貧吟邊闔海多奇趣

謂題虎門觀海圖

畫裏尋

四照堂詩集

卷七

沅湘

五

詩幾故人

謂同題夢岳圖寅友沈栗仲師嚴麗生宋予庭諸明府下世

亂後湖山感

荒廢長官殊澤在斯民

次韻酬歐陽功甫見贈

文章沈靜見深情三上家傳藉甚名憂患餘生精力悴  
英雄負氣寶刀橫危關直可丸泥固大厦難尋一木撐  
好共荆襄踏波去萬貌貅裏話奇兵

懷徐龍光

記從聽壁識奇人十載資陽感昔因未必仙根讓徐福  
如何人世別風塵

蔣扶東索題望雲圖

亂離爲客老湘濱千里相思別緒紛日暮鄉關倚闥處  
江南無此畫中雲

中秋夜看月偕炳生弟作次韻

四年珠海月今向故園明把酒不辭倦相看無限情秋  
寒因病母世難未休兵難遣關心事蟾光恠底清

夜雨

夜雨歇秋霖新寒襲布衾何來數聲磬隔水邊林百  
里求醫地經旬病母心遙遙五更月猶在碧桐陰

乳嶺

乳嶺夕陽下涓溪秋水潄閑來採籐皂獨自過疎林嫩

四照堂詩集

卷七

沅湘

六

兩香塵濕殘花古道陰老僧如有約剛作掉頭吟

酬李東垣惠題畫山水

與世避華彩道心窮樸誠浮雲隨去留寸意時相榮有  
時曳藤杖孤吟江上亭山水得至趣識賞生遙情太息  
邱林中細路埋榛荆

友人招飲酒邊見衡岳賦此兼以留別

農事收村落壺漿快此閒田原一豐歲圖畫幾名山老  
樹明秋意疎花奪醉顏天涯揮手去斜日在江關

時將重往

鄂陽

過漱芳樓答友人



三面涓江繞畫樓  
逝波東去太悠悠  
班超事業纔投筆  
謝眺煙雲已變秋  
窗竹散陰千頃動  
野花飛影一簾收  
此來偏負重陽約  
輸與琴尊據上游

過唐子健不晤聞往巴陵勸捐作此寄之

星門聚散五年輕  
山館重來負此行  
古榻撥雲尋舊夢

奇詩開畫補南城

謂城南雅集圖

巴邱寂寞能爲客  
澤國淒涼

可繫情輸與登樓一  
長嘯湖波今靜鼓鼙聲

長沙發舟

此地真成往復遊  
岳州歸假又黃州  
多情一片湘明月

破曉依依在樹頭

四照堂詩集

卷七

沅湘

七

銅官渚有感

空江日暮聞悲風  
熱血照影霜枝紅  
新鬼含冤泣殘月  
陰風一剎旋幽窟  
冷雨蕭疎切人骨  
殺機苦未斷義勇  
慘將別君不見望夫石  
上猶多情旦晚相思何處營  
夢中灑淚愁霾無聲  
秋風颯颯兮吹墮楓林青

汨羅江懷古

楚國論才地千秋  
一死哀於今汨羅水  
猶觸大江開醉意  
不爲酒世人徒有杯  
維船此憑弔愧後賈  
生來

洞庭

七月湖水寬  
十月湖水乾  
來去未百日  
有似滄桑翻霜

聲流響岳城靖白骨照影泥沙寒龍堆遠在蛟窟潛剛  
記我昨泛宅慘戰心悲酸今茲重艤棹夜雨何潺湲青  
燐閃閃碧波靜瞥見鬼母愁吞寃

登岳陽樓小飲兼寄彭雪琴

烽煙盡掃平湖寬岑樓眺聽生遙歡兩度來登所見別  
昨者擾攘今安閒神仙縹緲遊蹤絕酒氣觸影天門裂  
手招黃鶴下層霄醉裏乾坤兩情熱昇平活世無遺  
憂離亂登場有殊轍儻憶孤城此受降湖波紅染狼妖  
血祇今雲水一蒼茫征魂忍弔英風烈大醉狂呼呂子  
前忠義豈獨忘神仙人閒奇禍不相與世事故與艱危  
四照堂詩集卷七沉湘

懸搔首憑闌一長嘆黃州羣醜猶滋蔓計日英雄髀肉

生

時雪琴方銷病假

辛勤肯負良臣願

謂滌翁

白螺磯有感

空江日暮冤風粗磯頭水咽聲嗚嗚忠魂毅魄蕩不散  
熱血灑淚秋濤枯英雄誓死尋常事九原不負故人義  
陳將軍何自棄匹夫之勇不擇地君不見荆河水急如  
奔油萬里來滙巴江流又不見東南破曉風勢惡崩山  
倒海波濤作拖畧快蟹何輪困逆勢回舟固難泊可憐  
牽纜負鴉軍生死關頭兩情薄吁嗟唏帝意耿耿臣  
心憂龔恩尙及兒孫儔我亦從旁搔首來悲謳祇今冷



雨淒風夜四更鬼哭時啾啾

四照堂詩集

卷七

沅湘

九

四照堂詩集卷七

四照堂詩集卷八

湘潭譚溥仲牧

鄂中古近體詩三十七首

赤壁

火德自降災歸然峭壁開  
聲靈在寰宇叱咤動風雷  
漢世收神算天星隕將臺  
雲霄一毛羽萬古有誰來

新隄書所見

二十八二十九道光年中水勢陡于今  
掄指咸豐初數載兵塵漫畏途  
新舍昨遭寇火燼舊廬已逐洪濤驅  
天寒日暮坐隄哭有婦與姑居  
無屋居無屋炊有煙人家  
四照堂詩集卷八鄂中  
一  
糴米儲大錢我計賣女空  
八千有夫有夫遙戍邊  
送徒千里乘戈船  
死生莫問君平卜  
我姑年衰一子獨奉養  
無人自蠶粥三年猶望君謀祿

老烏悲寄陳子鶴

老烏老烏何其悲  
見人垂頸遙陳辭  
數載艱難苦無粟  
蒼黃展翅投華屋  
大雛小雛空啼飢  
一夜黯慘無人知  
君不見羣差徵賦急  
於吏民間怕負催科例  
又不見捐輸迫促時  
相過陳陳廩粟朱門多稻梁  
謀食共雛鷺  
自守不悔飢愚差何當招呼  
八九子返哺來築南山窠

懷艾至堂師二首



蓋代文章海內傳此身聊幻博羅仙

師辛博羅縣

事關時勢

功名薄官守循良膽氣堅五嶺高情生粵障千秋新句響蠻天珠江頗憶垂頭別萬里橫空古月圓

廬山歸興比官清手把靈芝採藥行

師有采芝圖

珠海分箋

留夜月畫圖題夢敞南衡

謂賜題月夜泛珠海夢遊衡岳諸圖

湘西計日

能休戰江右關心未洗兵聞道廉頗出山意寶刀端爲

斬鯨鯨

爲胡穉泉畫梅題贈

圓明皓皓真大奇世人見慣都昧之中空綴物及草木

衆愛獨與梅爭姿梅花輾然開口笑濁世誰能諳至妙

四照堂詩集

卷八

鄂中

二

地老天荒此破胎奇情亘古窮幽奧胡侯特達心魂清

真趣獨領橫斜情酒酣索畫出縑素醉態頗似梅縱橫

我在吮墨不擇地興來搖筆隨所至有時破散爭低昂

紙外全神堪會意冷艷照雪空山深淡香飄影孤雲碎

窮荒骨格垂老蒼太古精靈掇神異君才更似梅花奇

天然古秀生殊致舌底香翻銀海來吟邊瘦聳詩肩對

時事心傷熱念銷活計情甘冷官細我豈放膽思拏雲

低巖屈曲聊從人三點數點祇此意一枝兩枝皆本真

何況孤山變畏路混影觸處皆荆榛萌芽根固不易掃

斤斧力弱空勞喚風前三歎按圖坐破屋慘淡梅花春

登黃鶴樓望鸚鵡洲弔禰正平

盤旋紆曲艱層上九霄真見雲程廣黃鶴仙人何可攀  
千秋砥此虛無間何況滄桑自昔有更變達者眺睇空  
塵寰我狂拔劍不敢觸萬古乾坤一粒粟海岳豈足大  
螻蟻亦何微半生眼孔明精軸君不見亘古人來萬千  
百衆皆題詩浮榮未掃胸中訾才人間世不易出禰衡  
禰衡今在茲蒼茫鸚鵡洲落日深遐思

次韻酬勞移卿

千里關山思渺然長沙回首隔雲天吟邊孤劍明湘月  
客裏生鬣阻鄂煙逝世早知緣有待歸心偏與夢俱懸  
四照堂詩集卷八鄂中三  
秋風秋雨興懷夜饒有閒情到酒前

榕門奉義會相訪雪夜維舟未遇君古粵名山思爪跡  
將軍奇膽徧聲聞洗兵久待天西雨控海閒披畫裏雲  
時以虎門觀海圖屬題寄我新詩耐深賞山陰好摘桂枝薰

登鵠山弔常文節公

大清

古堞四面秋風寒鴉羣逐陣盤雲還浩劫茫茫滿塵土  
白日黯淡埋空山破瓦堆中鬼燐碧熱血影裏斜陽殷  
戰場慘裂悲風大撫景徘徊一長慨晴川波浪冷雄藩  
漢陽沙草餘凋瘵此日湖天殺運收陰飈旋雨來荒邱  
可憐白骨縱橫地中有將軍哭斷頭



大別山

落日枕江關縱橫大別山疎林帶長薄秋氣冷諸蠻破  
寺炊煙滅空階戰血斑劇憐埋劫地塵莽逐人還

伯牙臺

高山流水寄遐心我自登臺發感深一代江山遇鍾子  
瘦琴千古是知音

晴川閣

高閣俯晴川秋濤湧樹顛山圍荆楚大城抱武昌圓殺  
運收奇策忠魂掃斷緣我來登眺意不獨感滄田

黃州

四照堂詩集

卷八

鄂中

四

一夜黃州路征帆且復停漫憐妖血冷猶化鬼燈青勝  
跡畱鴻爪奇詩振楚靈雪堂聽雨地殘月做孤亭

同彭雪琴過琵琶亭廢址有感

狂寇煽天遙縱火江州偏構孤亭禍老柳輪囷有斷魂  
遊人寂寞迴孤舵曩日琵琶從可思聲容絕代幾人知  
可憐白傳寄情地詎爲商女縈深悲祇今片土空荒址  
千古我來何弟靡西風一夜潯陽江劫灰高颺土花紫

江州有感

龍坪虎穴負遊意勝地復艤潯陽舟潯陽江水夜照月  
一氣白湧銀河秋風聲浙瀝動孤枕夜色慘淡來羈愁

商女琵琶聲影絕當年細數江州別四絃錯雜誰尋聲  
自訴平生何切切白傅知音淚眼枯幾回歎賞殊淒咽  
一生知已結緣深千古風流見情熱天地生才有意無  
隻身飄泊在江湖吳頭楚尾傷心地髮白鬚蒼倚棹初  
卅載聲容自粗醜比從商女應難偶漫掃閒愁欲放豪  
自慰翻然心語口江月娟娟江水明此時不飲胡貪生  
夢裏浮榮不足道飲者自昔畱其名十二萬年歎烏有  
乾坤一切摧樞紐傀儡登場色相空狐鼠牽羣毛骨朽  
酒光畢竟有仙芒五更搖影攢天闥底用登亭弔商女  
皓月百里湖風長

時往湖  
口縣

四照堂詩集

卷八 西江

五

次韻贈彭雪琴

湖口圍兵地空江犯雪晨辛勤祗如此委國獨忘身畫  
策生奇膽迴天挽劫塵自來班定遠勳業重 皇仁

老馬行

寒威捲地北風壯荒原草短冰花上老馬誰家夜未收  
侵晨元立氣凋喪舊毛剝落風驟糊霜嚴滿身皮骨枯  
羣鴉坐背恣狂啄血肉已死無膏腴前年逐寇猶奔走  
頗有邊功重賓柳一蹶偶誤罹奇危將軍墮馬聲容悲  
粵人賤賣不論價楚吳亦復難中騎房星下天偏阨命  
驂駟之姿有衰盛時際歎與世俗別摧殘奄變主人性



祗今米食望誰調旦晚嚙草牙齧彫君不見昔日恩情  
重豪吏六印層層有官字

過孫閱青小飲卽席賦贈

秋初記作南津別湘楚狼煙掃將滅吳江鼓棹重相尋  
毒霧照水傾長林三歎凶烽此爲累遙夜焚舟奄埋計  
湖背郊空未伏兵梅迎洲尾隙堪乘劇憐宦海浮家倦  
偏惹愁眉際火驚樽前注視雄心熱一線精光橫古鐵  
久識孫賓有將才自慚譚峭無仙訣惆悵潯陽落照紅  
妖塵吹影旋東風祗此吳中繫情事拔座願與將軍同  
湖口題彭雲琴吟香別館詩集

四照堂詩集

卷八

西江

六

將軍能武兼能文詩色却似湖雲新湖雲纏綿浩無際  
光芒萬丈開秋意奇思時翻翰海濤幽情欲洗太古淚  
憂國且晚生長歎披堅執銳何時閒况復湖口暗謀火  
一寸未冷臣心丹待取東風乘烈燄燄天更補新詩豔  
火光雲影兩縱橫詩境亘古無人爭乾坤生才自有用  
抗世枯髭誰與共我愧懷才九十五工吟未遣窮途慟  
惆悵拋詩夜未央萬鬼綠冰泣湖凍

歲晏行用杜工部韻同王壬秋作

江州耕鑿少生事田園坐廢生悲風遺黎日久入坎窞  
髮長心短千村同畏賊私舍畏官泣熱淚暗灑潯陽紅

水師熊熊盡英烈計掃寇逆知誰工千家槁餓飯豆絕  
三載貢稅資糧空主帥籌餉勝籌戰捐輸各國資軍供  
所司藉端每自利錐末之小尤傷農幕府旦晚按民事  
咫尺不得掀羣蒙大錢小錢不足論鄉曲早已無青銅  
吳楚安危各有慮財物一洗民間窮重熙有象表斯  
世劫運所值由蒼穹何時英雄起屠釣太古元氣廻神  
功吾儕坐歎自懷愧識字終當輪挽弓衰草殘陽歲聿  
暮江湖滿地聞哀鴻

友人索畫秦雲帳岳圖並題二首

太華峰頭補舊緣詩瓢酒榼畫神仙廿年曾憶重遊地

四照堂詩集

卷八

西江

七

夢裏煙雲有變遷

西郡趨庭歲月深衙齋清課重奇文於今對畫思親日

祇有秦中一片雲

寄鄧伯昭二首

八桂輕言別三吳此浪遊潯陽深駐馬湖口夜焚舟時  
事悲塵劫荒天老客愁榕門亦多難莫上仲宣樓

出處都無定風霜兩鬢侵畏途孤劍短憂世五方深落  
日動鄉思天涯聞暮碁衡山好邱壑圖畫敞雲林

次韻題孫閩青味助詩草

偶檢瓊瑤第一篇抗懷塵海最超然奇情夜繞章門笛



古艷秋橫雪竇天白社詩歌今落落黑頭勳業許翩翩  
問兵刮寇渾閒事不獨稱才客見憐

寄李小樓粵西

桂林奇峭傲羣巒畫裏詩靈振百巒古艷坐來驢背雪

高情閒對虎門山會以虎門觀海圖屬題東墻結屋身偏隱西隴

稱才髮未斑問信榕門苦征戰可從巖洞念時艱

船具詩十首

郭筠仙太史見示船具十詠蓋陸魯望皮襲美  
所賦漁具茶具之屬會九江水師潰敗勢有迫

於其具舟中悶坐用以自遣爲和十章卽效其

四照堂詩集

卷八

西江

八

體

赤燄漫空急烏篷得地安艱危寄生殺宦海自波瀾聽

雨孤亭夜窺天九郡寒何從定心志江漢薄風湍篷

古岸驚宵泊江風省急緣一船真似馬十笏影如天畏

道自可拔潰軍尤有權追隨怪餘子高舉却爭先帆

不負通津用裁量老節堅急流爭一據剛直究何緣觸

石聲逾勁揮空影自懸悠然在山日洒落幾雲烟篙

使縱翻因敗戈船敢避戎波濤勢如掃掀擊影相攻守

性升沉定舒籌緩急同極勞誰報泊撒手萬緣空槳

取摘庸知地長材意可嘉轉旋原有力捐撤總無涯修

影延江月圓波散水花客心驚未定千里自伊啞櫓

岌立在霄漢恬然無是非擎天一帆穩導影萬波飛勁  
拔自成性孤高何所依還從認收泊萬斛表餘威櫓

十丈誇牽倚吳船力豈微何勞問舒卷相索引樞機任  
重似無意存神饒有威明朝發舟去改繫一困巍纜

觸動樓船陡親兵鼓力多斜飛百丈影逆捲半江波取  
道去何疾引繩休則那隣舟入魚貫牽累莫相呵絳

蠢蠢抑何似選材還適宜由來屬繫事不作用權奇自  
忿埋塵土翻勞試險夷罷休應有待排擠抑奚爲梃

尺力舒全縱論功巨艦知風濤休作惡安穩詎忘危此

四照堂詩集

卷八

西江

九

意在湖海相依無別離如何嗣尾大不復闡才奇梃



